



ПАРЛАМЕНТЛАРАРО  
ҲАМКОРЛИКНИНГ ЯНГИ БОСКИЧИ



МУАММОЛАР,  
МУРОЖААТЛАР  
ВА УЛАРНИНГ  
ЕЧИМИГА НАЗАР  
Халқ манфаатлари ҳамма  
нарсдан устун!



АЖДОДЛАРИМИЗНИНГ  
ИТМИЙ-МАЪНАВИЙ МЕРОСИ



ВАТАН ШАЪНИНГ  
УЛУГЛАБТЕГАНЛАРИ



№ 14  
2021-йил, 7-апрел  
Chorshanba (32.656)

# O'zbekiston OVOZI

Ijtimoiy-siyosiy gazeta  
1918-yil 21-iyundan chiqq boshlagan

Улуғлардан улуғимсан, Ватаним!

## ЎЗБЕКИСТОН ПРЕЗИДЕНТИ ЖАНУБИЙ Корея ПАРЛАМЕНТИ ДЕЛЕГАЦИЯСИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 6 апрель куни Корея Республикаси парламентининг Миллий Ассамблея Спикери Пак Бен Сок бошчилигидаги делегациясини қабул қилди.

Делегация таркибида мамлакатимизга спикердан ташқари Жанубий Корея парламентининг давлат бошқаруви, молиявий сиёсат, саноат, савдо, энергетика, транспорт, қишлоқ хўжалиги, экология, соғлиқни сақлаш, меҳнат муносабатлари, маданият, спорт ва туризм каби устувор йўналишлар бўйича кўмиталарига аъзо 6 нафар депутат ҳам келган.

Суҳбат чоғида икки томонлама муносабатлар ва минтақавий ҳамкорликнинг долзарб масалалари кўриб чиқилди. Ўзбекистон Республикаси ва Корея Республикаси ўртасидаги дўстлик ва алоҳида стратегик шериклик муносабатларини мустаҳкамлашда парламентлар муҳим ўрин тутаяётгани таъкидланди.

Давлатимиз раҳбари фаол алмашинувлар давом этаётгани, кенг қўламли Ўзбекистон – Корея ҳамкорлиги жадал ривожланиб бораётганини катта мамнуният билан қайд этди. Жорий йил бошида икки мамлакат етакчиларининг онлайн-саммити муваффақиятли ўтказилди.

Пак Бен Сок самимий қабул учун миннатдорлик билдириб, Ўзбекистон Президентига Корея Республикаси Президенти Мун Чжэ Иннинг саломи ва эзгу тилакларини етказди.

Учрашувда глобал иқтисодий вазият мураккаб бўлиб турган бир пайтда ўзаро савдо ҳажми сақлаб қолинишига эришилаётгани таъкидланди. Кореянинг етакчи компания ва банклари иштирокида умумий қиймати 3 миллиард доллардан зиёд янги инвестиция лойиҳалари тайёрланди. Умуман, Корея Республикасининг мамлакатимизга инвестициялари ҳажми 7 миллиард доллардан ошди.

Ўзбекистонда коронавирус пандемиясига қарши курашда корейлик шериклар томонидан катта амалий қўмақ кўрсатилгани учун миннатдорлик билдирилди.

Миллий Ассамблея Спикери ва депутатлари мамлакатларимиз ўртасидаги кўп қиррали ҳамкорлиқни кенгайтириш борасидаги фаол саъй-ҳаракатлар учун, шунингдек, Сеулнинг Корея ярим оролидаги вазиятни тинч йўл билан ҳал этиш бора-сидаги ҳаракатлари, Янги шимолий сиёсатни амалга ошириш доирасидаги минтақавий ташаббуслари қатъий қўллаб-қувватланаётгани учун Ўзбекистон Президентига самимий ташаккур изҳор этдилар.

"Корея Республикаси – Марказий Осиё" ҳамкорлик форуми доирасидаги яқин мулоқотни давом эттириш муҳим экани таъкидланди.

Соғлиқни сақлаш, таълим, илм-фан ва маданият, гуманитар алмашинув соҳаларидаги қўшма дастурларни амалга ошириш масалалари ҳам кўриб чиқилди.

ЎзА

## АМИР ТЕМУР САЛТАНАТИДА ДИПЛОМАТИК ҚАБУЛ МАРОСИМЛАР



Амир Темур боғларида ёки бошқа меъморий иншоотларида ўша даврда илк марта ландшафт дизайни амалиётга кириб келган. Клавихо навбатма-навбат Амир Темур томонидан қурилган турли боғларда уюштирилган қабул маросимлари ҳақида мароқли ҳикоялар битиб қолдирган. Демак, Амир Темур даврида Самарқандда ўн саккизта сарой қурилган ва улар бизнинг давримизга қадар етиб келмаган.

Давоми 7-бетда. ►

## СЎЗ ЭРКИНЛИГИ ШАРАФИ ВА МАСЪУЛИЯТИ

ҲАЁТ ҲАҚИҚАТЛАРИДАН  
МАЪЛУМКИ, МУАММОЛАРГА  
ДУЧ КЕЛГАН ОДАМ ҲАР  
КИМДАН НАЖОТ КУТАДИ, ҲАР  
КИМГА ИШОНГИСИ КЕЛАДИ.  
ҚАЙСИДИР МУТТАҲАМ БУ  
ВАЗИЯТДАН ФОЙДАЛАНИБ,  
ЎЗИНИ АВЛИЁ ҚИЛИБ  
КЎРСАТГИСИ КЕЛАДИ.  
АГАР МЕН ФАЛОН ....  
БЎЛСАМ, УНДАЙ ҚИЛАРДИМ,  
БУНДАЙ ҚИЛАРДИМ, ДЕБ  
ОДАМЛАРНИНГ ҚЎЙНИНИ  
ПУЧ ЁНГОҚҚА ТЎЛДИРИБ,  
УМИДВОР ҚИЛАДИ. АСЛИДА  
У МУАММОНИ ҲАЛ ҚИЛМОҚЧИ  
ЭМАС, ҲАЛ ҚИЛИШ ҚЎЛИДАН  
ҲАМ КЕЛМАЙДИ. ЭЧКИГА  
ЖОН ҚАЙҒУСИ, ҚАССОБГА ЁҒ  
ҚАЙҒУСИ, ДЕГАНЛАРИДЕК  
У ВАЗИЯТДАН ЎЗ МАҚСАДИ  
ЙЎЛИДА ФОЙДАЛАНИБ  
ҚОЛМОҚЧИ, САФСАТА  
ГАПЛАР БИЛАН ОДДИЙ  
ОДАМЛАРНИ АЛДАМОҚЧИ.

5

## ДЕПУТАТ ФИКРИ

Олий Мажлис Қонунчилик палатаси ва маҳаллий кенгашлар депутатлари бугунги куннинг долзарб масалалари тўғрисида ўз фикр-мулоҳазаларини билдиришмоқда.



Муқаддас  
ЎРОЗАЛИЕВА,  
Олий Мажлис  
Қонунчилик  
палатаси  
депутати,  
ЎзХДП  
фракцияси  
аъзоси:

## ҚАРДОШ ХАЛҚЛАР ҲАМКОРЛИГИДА ЯНГИ САҲИФА ОЧИЛМОҚДА

Президентимиз Туркий тилли давлатлар ҳамкорлик Кенгашининг саммитида Туркий кенгашга аъзо мамлакатлардаги муқаддас қадамжолар бўйлаб «Табаррук зиёрат» лойиҳасини амалга ошириш, шу мақсадда Зиёрат туризмини ривожлантириш дастурини қабул қилиш ташаббусини билдирди.

Фикримча, мазкур ташаббус ислом оламида беназир бўлган улуг боболаримиз мероси, буюқ тарихимиз билан дунёни кенг таништириш, зиёрат туризмини янада ривожлантиришга хизмат қилади.

Сайёҳлар қадимий обидалар, муқаддас зиёратгоҳлар, тарихий ва маданий ёдгорликлар билан танишади. Бу ўз навбатида бетақдор маданиятимиз ва анъаналаримизни кенг тарғиб этишда муҳим аҳамият касб этади.



Мавжуда  
ҲАСАНОВА,  
Олий Мажлис  
Қонунчилик  
палатаси  
депутати,  
ЎзХДП  
фракцияси  
аъзоси:

## ЮРТИМИЗ, ХАЛҚИМИЗГА КЎРСАТИЛГАН ҲУРМАТ

Давлатимиз раҳбари тақлифига биноан Венгрия Бош вазири Виктор Орбанининг мамлакатимизга ташрифи билан боғлиқ ахборотларни телевидение орқали кузатиб борар эканман, жаноб Бош вазирнинг биз миллий кадриятларини ва урф-одатларини сақлаб қолган мамлакатларни қаттиқ ҳурмат қиламиз, юртингиз шундай мамлакатлардан биридир, деган фикрлари диққатимни тортди.

Миллий кадриятларни асраш ўзликни асраш демакдир. Бугунги глобаллашув даврида бу жуда қийин масала. Миллий кадриятлар миллат тарихи, яшаш тарзи, маънавияти, маданияти билан узвий боғлиқ ҳолда намоён бўлади. Кейинги вақтларда мамлакатимизда миллий кадриятларга эътибор кучайди.

Буни давлатимиз раҳбарининг яқинда қабул қилинган "Маънавий-маърифий ишлар тизимини тубдан такомиллаштириш чора-тадбирлар тўғрисида"ги қарори мисолида ҳам кўришимиз мумкин. Унда жамиятда соғлом дунёқараш ва бунёдкорликни умуммиллий ҳаракатга айлантириш, оила, таълим ташкилотлари ва маҳаллаларда маънавий тарбиянинг узвийлигини таъминлаш зарурлиги таъкидланди. Чиндан ҳам маънавият миллий кадриятлар асосида шаклланиди, юксалади. Бу борада ҳар биримиз фаол ва ташаббускор бўлишимиз лозим.



Нигора  
ЭШМЕТОВА,  
ЎзХДП Тошкент  
шаҳар кенгаши  
раиси,  
халқ  
депутатлари  
Тошкент шаҳар  
Кенгаши  
депутати:

## ТОЗАЛИК ВА ОЗОДАЛИК – САЛОМАТЛИК ГАРОВИ

Қишнинг қировли кунлари тугаб, илиқ кунлар бошланяпти. Кўча-кўйда ташлаб кетилган маиший чиқиндиларга кўзимиз тушади. Қиш пайтида қор тагида ётган чиқиндилар олиб кетилмаса, тозалikka қатъий риоя қилинмаса, турли касалликлар тарқалиши мумкин. Баъзида ҳатто катталарнинг ўзлари ҳам йўл четлари, дарахтлар тагига чиқиндиларни ташлаб кетаётганига гувоҳ бўламиз. Коронавирус ҳамон инсон саломатлигига таъсир қилаётган бир пайтда тозалик, озодалик жуда муҳим аҳамиятга эга. Шунинг учун ота-оналар, маҳалла фаоллари бунга эътиборли бўлишлари зарур.

Ҳар бир маҳаллада озодалик учун аҳоли жавобгар бўлиши, ўз навбатида ёшларда экологик маданиятни шакллантиришга эътибор қаратиш керак бўлади.



## ТИББИЙ-ИЖТИМОЙ ХИЗМАТЛАРНИ РИВОЖЛАНТИРИШ АГЕНТЛИГИ ТАШКИЛ ЭТИЛДИ

Манба: ПФ-6195-сон, 25.03.2021 й.

@huquqiyaxborot



Тиббий-ижтимоий  
хизматларни ривожлантириш  
агентлиги (Агентлик) ва  
унинг ҳудудий бўлимлари  
ташқил этилди

2021 йил 1 апрелдан

1,5x  
Агентлик марказий  
аппарати ҳудудий  
ойлик лавозим мошини  
1,5 бараварга оширилади

1,2x

Агентликнинг ҳудудий бошқармалари ва туман (шаҳар)  
бўлиmlари ҳамда Республика тиббий-ижтимоий экспертиза  
инспекцияси марказий аппарати ва унинг ҳудудий комиссиялари  
ҳодимлари ойлик лавозим мошини 1,2 бараварга оширилади

ҚЎЙИДАГИЛАР АГЕНТЛИК ТИЗИМИГА ЎТКАЗИЛДИ:

Агентлик кексалар, ногиронлиги  
бўлган шахслар ва аҳолининг  
ижтимоий ҳимояга муҳтож  
бошқа тоифаларига тиббий-  
ижтимоий хизматлар кўрсатиш  
соҳасида ваколатли давлат  
бошқаруви органи ҳисобланади  
ҳамда Ҳукуматга бўйсунди

• "Саховат" ва "Муруват" интернат  
уйлари  
• Ногиронлиги бўлган шахсларни  
реабилитация қилиш ва протезлаш  
миллий маркази  
• Ногиронлиги бўлган шахслар учун  
ҳудудий реабилитация марказлари  
• Уруш ва меҳнат фажрийлари учун  
санаторий ва пансионатлар

• Республика тиббий-ижтимоий экспертиза  
инспекцияси ва унинг ҳудудий бўлиmlари  
• Одам савдоси жабрдийдаларига ердан бериш  
бўйича Республика реабилитация маркази  
• Соғлиқни сақлаш вазирлиги ҳузуридаги бюджетдан  
ташқари "Саховат" ва "Муруват" интернат уйлари  
фаолиятини қўллаб-қувватлаш жамғармаси  
• Ногиронлиги бўлган шахсларни қўллаб-қувватлаш  
жамғармаси

2021 йил 1 апрелдан

2021 йил 1 апрелдан

2021 йил май ойидан

2021-2024 йилларда

"Саховат" ва "Муруват"  
интернат уйларида  
1 нафардан  
кўпбўрача шат  
бирлиги жорий  
этилади

Уруш ва меҳнат  
фажрийлари учун  
республика  
пансионатида замонавий  
физיותרпия бўлими  
ташқил этилади

"Саховат" интернат уйлари ҳамда  
Уруш ва меҳнат фажрийлари учун  
республика пансионатидаги кексалар ва  
ногиронлиги бўлган шахсларни ҳар  
йили бир марта санаторийларда бепул  
соғломлаштириш ташқил этилади

туман (шаҳар) тиббий-ижтимоий  
хизматларни ривожлантириш  
бўлиmlарида ишловчи ижтимоий  
ҳодимларнинг олий маълумот олиши  
учун республика ОТМларида  
мақсадли квоталар ажратилади













